



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Broj:10-05-15502-69/19  
Sarajevo, 21.11.2019. godine

**-SKUPŠTINA KANTONA SARAJEVO-**  
**-Služba za skupštinske poslove-**

**PREDMET:** Odgovor na Zastupničku inicijativu, dostavlja se

Zastupnik **Damir Nikšić** je na 7. radnoj sjednici Skupštine Kantona Sarajevo, održanoj dana 17.04.2019. godine, u okviru tačke Dnevnog reda "Poslanička/zastupnička pitanja, inicijative i odgovori" a u skladu sa Poslovníkom Skupštine Kantona Sarajevo, uputio **zastupničku inicijativu: "Za prevenciju mobinga i drugih mentalnih poremećaja i bolesti"**.

U vezi sa postavljenom zastupničkom inicijativom, dostavljamo sljedeći:

### ODGOVOR

Ministarstvo zdravstva Kantona Sarajeva je zatražilo odgovor od JU Zavod za bolesti ovisnosti Kantona Sarajevo koji u prilog akta dostavljamo, predmet broj 0202-1193/19 od 7.11.2019.godine, te napominjemo da će Ministarstvo zdravstva KS, u okviru preventivnih aktivnosti, podržati izradu Akcionog plana prevencije mentalnih poremećaja u koji treba da se uključi Zavod za bolesti ovisnosti KS i druge zdravstvene ustanove čija je djelatnost prevencija, liječenje i rehabilitacija osoba koje imaju mentalne poremećaje.


S poštovanjem,

**Pripremila:**

dr stom. Arina Bejdić Kršo [redacted] ični savjetnik

**Kontrolisala:**

dr Alma Kadić, pomoćnica ministrice [redacted]  
dipl. iure Amra Isić, sekretar ministars [redacted]



**MINISTRICA**  
[redacted] sci. med. Amela Šofić



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1





JU Zavod za bolesti ovisnosti  
Kantona Sarajevo



Broj protokola: 0202-1193/19  
Sarajevo, 07. 11. 2019.

Stručno Vijeće Zavoda

KANTON SARAJEVO  
Ministarstvo zdravstva  
N/R Ministrice Prof. dr sci med. Amela Sofić

Federacija Bosne i Hercegovine  
KANTON SARAJEVO

PRIMLJENO	17-11-2019
10 - 05 - 19502-69-157	

**Predmet: Odgovor na zastupničku inicijativu Damira Nikšića  
za prevenciju mobinga i drugih mentalnih poremećaja i bolesti**

Poštovana ministricice, Prof. dr sci med. Sofić,

Zastupnička inicijativa za prevenciju mobinga i drugih mentalnih poremećaja i bolesti, koju je pokrenuo uvaženi zastupnik u Skupštini KS, gosp. Damir Nikšić, a koja je nastala slijedom ranijeg pitanja upućenom Etičkom Komitetu Zavoda i JU Psihijatrijska bolnica KS, vezanom za problem mobinga na radnom mjestu, svakako zaslužuje pažnju kako stručne zajednice tako i cijele društvene javnosti.

Istina je da smo u gore navedenom odgovoru Etičkog Komiteta, dali „preporuke izvršnoj i zakonodavnoj vlasti da hitno donese odluku o formiranju razumnog budžeta za prevenciju, kako mobinga, tako i mentalnih poremećaja i bolesti te da donese set mjera koje uključuju sistematsku, dugoročnu, javnu i usmjerenu edukaciju stanovništva iz komunikacijskih vještina i međusobnog ophođenja, organizovanje kampanja protiv diskriminacije drugih i drugačijih, podjelu info letaka, vodiča i pamfleta, relaksiranje opće političke klime“, što ne znači da je to nadležnost samo ove javne ustanove Kantona Sarajevo, Zavoda za bolesti ovisnosti.

S tim u vezi, želimo napomenuti da je ranije usvojena „Politika i Strategija za zaštitu i unapređenje mentalnog zdravlja u Federaciji BiH, 2012-2020. godine“, koja je pripremljena u okviru Projekta Mentalnog zdravlja u BiH, a koji financira Švicarska agencija za razvoj i saradnju (SDC), već precizirala aktivnosti koje su predmet upita gosp. Nikšića. Štaviše, vizija ove Strategije upravo želi „Društvo koje vrednuje i promovira mentalno zdravlje, koje je oslobodeno stigme i diskriminacije i koje omogućava punu socijalnu inkluziju lica sa mentalnim poteškoćama“.

Nahorevska 173, Sarajevo; tel: 033 257 750; fax: 033 257 751  
e-mail: zalcnarc@bih.net.ba  
www.zalcnarc.net

Ovaj dokument, uz set zaštitnih zakona koji su već doneseni, predstavljaju optimalnu osnovicu za izradu Akcionog plana prevencije mobinga i drugih mentalnih poremećaja i bolesti, ali isti mora biti plod zajedničke aktivnosti Vlade KS, Ministarstva zdravstva i nadležnih zdravstvenih ustanova (posebno Zavoda za javno zdravlje KS, a onda zdravstvenih ustanova čija je djelatnost prevencija, liječenje i rehabilitacija osoba koje imaju mentalne poremećaje ili bolesti).

Zbog svega gore navedenog, ističemo da snažno podržavamo inicijativu zastupnika Damira Nikšića, ali za realizaciju iste je potrebno formirati Radnu grupu, multidisciplinarnog sastava, koja treba da napravi smjernice preventivnog djelovanja, kako u oblasti javne edukacije stanovništva, tako i u oblasti usmjerene/indikativne prevencije.

Za navedeno je neophodno definisanje budžeta, a što je u nadležnosti Ministarstva zdravstva i Vlade KS (u prijedlogu) i Skupštine KS (u donošenju odluke o budžetu).

Ovdje želimo naglasiti da će stručno osoblje Zavoda sa zadovoljstvom učestvovati u implementaciji svih aktivnosti u obimu preciziranih zadataka, a koje se tiču djelatnosti kojom se Zavod bavi.

S poštovanjem,

Doc. dr. sc. med. Nermina Mehčić-Basara

